

Swydd Ddisgrifiad

Prifysgol Wreccsam Wrexham University



Cyfadrn/Adran	Cyfadrn y Celfyddydau, Cyfrifiadura a Pheirianeg
Adran	Cyfrifiadura
Teitl y Swydd	Aelod Cyswllt Systemau Digidol ac Integreiddio AI (Aelod Cyswllt Partneriaeth SMART)
Yn atebol i	Y Prif Ddarlithydd a'r Goruchwyliwr Cwmni yn y Cwmni Partner.
Gradd	£33,000 Cyflog Cyfnod Penodol, Swydd Llawn Amser am Flwyddyn. Yn ogystal â £2000 o gyllideb ar gyfer hyfforddiant pwrpasol

Prif Atebolrwydd

Mae'r swydd hon yn bodoli yn sgil Partneriaeth SMART a ariennir gan Lywodraeth Cymru; cyfle cydweithredol strategol rhwng Prifysgol Wreccsam a Chyngor Sir y Fflint.

Rydym yn awyddus i gyflogi unigolyn sydd wedi graddio mewn Cyfrifiadura, Cyfrifiadureg, Meddalwedd Peirianeg, Gwyddor Data, Technoleg Gwybodaeth neu faes perthnasol. Bydd yn arwain y gwaith o ddylunio, gweithredu ac ymgorffori adnodd cymorth penderfyniadau AI integredig Cyngor Sir y Fflint o fewn darpariaeth gwasanaeth ar y rheng flaen.

Bydd y prosiect hwn yn datblygu dealltwriaeth gyfoethog o'r model darparu gwasanaeth rhyngadrannol ac amlasiantaeth cyfredol sy'n cael ei ddefnyddio i greu adnodd cymorth cyflawn, syml drwy integreiddio nodweddion sy'n cael eu galluogi gan AI yn gynyddrannol.

Tasgau Allweddol

Y PROSIECT

- Symleiddio tasgau gweinyddol a gwreiddio arweiniad strwythuredig i ffrydiau gwaith bob dydd i alluogi Cyngor Sir y Fflint i gryfhau effeithlonrwydd gweithredol i bawb sy'n defnyddio'r gwasanaeth.
- Bydd datblygu seilwaith data safonol drwy'r fenter hon yn creu sylfaen gadarn ar gyfer cymwysiadau AI yn y dyfodol, gan leihau'r gwaith sylfaenol sy'n ofynnol ar gyfer

arloesedd dilynol a chefnogi trawsnewid digidol hirdymor. Bydd yn pontio darpariaeth gwasanaeth a datblygiadau technolegol, gan sicrhau bod y datrysiad AI wedi'i wreiddio yng ngwybodaeth, cyfrifoldebau diogelu a pholisïau sefydliadol Cyngor Sir y Fflint.

- Mae'n rhaid i'r adnodd AI gael sylfaen weithredol, yn gadarn o ran moeseg, yn cydymffurfio â GDPR ac yn cyd-fynd â pholisïau a chyfrifoldebau diogelu'r awdurdod lleol.

CYDLYNU PROSIECT

- Cydlynu a rheoli cynllun gwaith y Bartneriaeth SMART ar y cyd â goruchwylwyr academiaidd a chwmnïau i sicrhau bod holl gerrig milltir, cyflawniadau a gofynion adrodd yn cael eu bodloni mewn pryd.
- Cynnal cofnodion manwl am weithgarwch y prosiect, gwariant ariannol a risgiau i gefnogi adroddiadau amserol a thryloyw i gyllidwyr.

HYFFORDDIANT AC YMGYSYLLTIAD RHANDDEILIAID

- Hwyluso cyfarfodydd a gweithdai gyda chleientiaid, casglu adborth a sicrhau bod y system yn bodloni anghenion y byd go iawn.
- Darparu hyfforddiant a chefnogaeth i staff i ddefnyddio'r system ddiweddaraf er mwyn adeiladu galluoedd data mewnol.
- Cynorthwyo'r gwaith o baratoi cyflwyniadau ac adroddiadau i randdeiliaid allanol er mwyn rhannu canlyniadau'r prosiect.

CYFNEWID A LLEDAENU GWYBODAETH

- Cydweithio â goruchwylwyr academiaidd i rannu canlyniadau'r prosiect drwy adroddiadau mewnol, astudiaethau achosion academiaidd a sesiynau briffio allanol i lywio ymarfer yn y dyfodol.

Nodweddion Arbennig

Bydd yr Aelod Cyswllt yn treulio'r rhan fwyaf o'i amser yn safleoedd Cyngor Sir y Fflint a bydd yn teithio o bryd i'w gilydd i Brifysgol Wrecsam i barhau i gydweithio â goruchwylwyr academiaidd. Bydd cyllideb datblygu proffesiynol bwrpasol gwerth £2,000 ar gael iddo i uwchsgilio mewn meysydd fel Integreiddio System, AI/ML a Dadansoddeg Data.

Mae hon yn swydd Partneriaeth SMART 12 mis, llawn amser a ariennir gan Lywodraeth Cymru.

Dyletswyddau Cyffredinol

Byddwch yn sicrhau bod systemau a gweithdrefnau rheoli priodol ar waith er mwyn diwallu'ch dyletswyddau a'ch cyfrifoldebau iechyd a diogelwch a nodir ym mholisi iechyd a diogelwch y Brifysgol. Yn benodol, byddwch yn sicrhau bod asesiadau risg priodol yn cael eu cynnal mewn

cysylltiad â pheryglon sylweddol ac yr ymgwymerir ag arolygon diogelwch o leiaf unwaith y flwyddyn, ym mhob gweithle dan eich rheolaeth chi.

Cyfrifoldeb y gweithwyr yw rhoi Polisi Cyfle Cyfartal y Brifysgol ar waith o fewn eu maes cyfrifoldeb eu hunain ac yn eu hymddygiad cyffredinol.

Mae gan yr holl staff gyfrifoldeb dros hyrwyddo gofal cwsmer o safon yn eu meysydd cyfrifoldeb eu hunain.

Rhaid i staff fod yn ymwybodol o ymrwymiad y Brifysgol i Gynaliadwyedd.

Rhaid i bob aelod o staff hyrwyddo ymddygiad iach ac iechyd meddwl a llesiant cadarnhaol

Disgwylir i ddeiliaid swyddi gydweithredu â'r broses Adolygu Datblygiad Proffesiynol, gan gymryd rhan wrth osod amcanion er mwyn cynorthwyo gyda monitro perfformiad a datblygiad yr unigolyn.

Byddwch yn asesu anghenion hyfforddiant a datblygiad pob aelod o staff dan eich rheolaeth i sicrhau ei fod yn cael ei digon o gefnogaeth o ran ei gyfrifoldebau yn y gwaith.

Dyletswyddau perthnasol eraill sy'n gymesur â gradd y swydd, a all gael eu neilltuo gan y Rheolwr, mewn cytundeb â deiliad y swydd. Ni ddylid gwrthod cytundeb o'r fath yn afresymol.

Mae'r cyfrifoldebau allweddol sydd wedi'u cynnwys yn y swydd ddisgrifiad hon yn rhai nodweddiadol; nid ydynt yn gynhwysfawr. Gellir addasu dyletswyddau a chyfrifoldebau mewn trafodaeth â deiliad y swydd.

Disgwylir i'r holl ddeiliaid swyddi yn y Gyfarwyddiaeth allu cynnig cymorth ar draws pob maes, y tu hwnt i'w tîm uniongyrchol, ar gais y Cyfarwyddwr ac yn gymesur â'u sgiliau, eu gwybodaeth a'u profiad.

Adolygu

Mae hwn yn ddisgrifiad o'r swydd adeg ei chyhoeddi. Mae'n arfer gan y Brifysgol o bryd i'w gilydd i adolygu a diweddarau disgrifiadau swydd er mwyn sicrhau eu bod yn adlewyrchu natur gyfredol y swydd a gofynion y Brifysgol yn gywir, ac i ymgorffori newidiadau rhesymol pan fo angen, mewn ymgynghoriad â deiliad y swydd.

Manyleb Person

Prifysgol Wreccsam
Wrexham University

Teitl y Swydd:

Aelod Cyswllt Systemau ac Integreiddio AI (Aelod Cyswllt Partneriaeth SMART)

Er mwyn cael eich rhoi ar y rhestr fer, mae'n rhaid i chi ddangos eich bod yn diwallu pob un o'r meini prawf hanfodol a hynny o'r meini prawf dymunol ag sy'n bosibl. Pan fydd gennym nifer fawr o geisiadau sy'n diwallu'r holl feini prawf hanfodol, byddwn wedyn yn llunio'r rhestr fer gan ddefnyddio'r meini prawf dymunol.

Meini Prawf Dethol					
Priodoleddau		Eitem	Meini Prawf Perthnasol	Dull adnabod Dull	Pwysigrwydd
1	Sgiliau a Galluoedd	1.1	Sgiliau gwyddor data/modelu/dadansoddi a datblygu meddalwedd (Python, C# neu gyfwerth)	Ff, C	H
		1.2	Sgiliau uwch o ran dadansoddi a datrys problemau	Ff, C	H
		1.3	Sgiliau cyfathrebu rhagorol, sy'n cynnwys sgiliau creu cyflwyniad a chyflwyno	Ff, C	H
		1.4	Hynod drefnus gyda lefelau uchel o broffesiynoldeb ac ymrwymiad	Ff, C	H
		1.5	Sgiliau rheoli prosiect TG	Ff, C	H
2	Gwybodaeth Gyffredinol ac Arbenigol	2.1	Dealltwriaeth o adnoddau cymorth penderfyniadau wedi'u galluogi gan AI yn ymarferol	Ff, C	H
		2.2	Deall ac Ymwybyddiaeth o offer rheoli cronfa ddata	Ff, C	H
		2.3	Dealltwriaeth ac ymwybyddiaeth o gylch bywyd datblygu meddalwedd	Ff, C	H
		2.4	Profiad o ddylunio system a chymhwysiad a phrosesau creu	Ff, C	H

		2.5	Dealltwriaeth o ofynion cyflawni datrysiadau safon uchel i systemau digidol corfforaethol sy'n cynnwys; profi, integreiddio systemau, mudo data a chefnogi.	Ff, C	H
		2.6	Rhywfaint o brofiad neu wybodaeth am weithio mewn amgylchedd hynod dechnegol sy'n cynnwys; dadansoddi busnes, dylunio a datblygu gwefan, datblygu gwasanaethau digidol, profi systemau, diogelwch a gweinyddu systemau, cymorth gwasanaethau gwefan a digidol	Ff, C	H
		2.7	Dealltwriaeth o safonau diogelu data a diogelwch perthnasol (GDPR, DUUA, ac ati)	Ff, C	H
		2.8	Profiad o gynhyrchu llinellau cyflenwi effeithlon er mwyn echdynnu a glanhau setiau data cymhleth ar gyfer eu dadansoddi'n effeithiol	Ff, C	D
		2.9	Profiad o gymhwyso dulliau mathemategol ac ystadegol priodol er mwyn sicrhau dealltwriaeth o ddata.	Ff, C	D
		2.10	Y gallu i ddethol a defnyddio technegau dadansoddi data addas er mwyn cyflwyno canfyddiadau perthnasol yn eglur i fod yn sail i wneud penderfyniadau a datrys problemau.	Ff, C	D
		2.11	Y gallu i ddatblygu a chymhwyso technegau ML/AI perthnasol er mwyn ehangu rhagfynegi, dadansoddiad a delweddu.	Ff, C	D
		2.12	Profiad o weithio mewn amgylcheddau amlasiantaeth neu gymorth cymhleth	Ff, C	D
3	Addysg a Hyfforddiant	3.1	Gradd baglor mewn Cyfrifiadura, Cyfrifiadureg, Peirianeg Meddalwedd, Gwyddor Data, Technoleg Gwybodaeth neu faes perthnasol	Ff, T	H
		3.2	Gradd Meistr neu hyfforddiant ychwanegol mewn gwyddor data, Deallusrwydd Artiffisial/Dysgu Peiriant	Ff, T	D
		3.3	Hyfforddiant ychwanegol mewn Rheoli Prosiect (PRINCE2), Trawsnewid Digidol, Gweinyddiaeth Gyhoeddus, neu Reoli Gofal Cymdeithasol	Ff, T	D

4	Profiad Perthnasol	4.1	Profiad o ddarparu gwelliant i wasanaeth sy'n cael ei alluogi gan AI neu drawsnewid digidol o fewn awdurdod lleol, gofal cymdeithasol neu gorff y sector cyhoeddus	Ff, C	D
		4.2	Profiad o gysoni, rheoli a delweddu setiau data mawr	Ff, C	D
		4.3	Profiad o ddefnyddio dysgu peiriannol a dulliau AI ar gyfer ysgogi, rhagfynegi, a rhagweld.	Ff, C	D
		4.4	Profiad o ddatblygu meddalwedd ar gyfer systemau.	Ff, C	D
5	Gofynion Arbennig	5.1	Yn gallu cyfathrebu yn Gymraeg	A	D
Dyddiad Adolygu			3 Awst 2026		

Allwedd	Dull Adnabod	Ff	Ffurflen Gais
		C	Cyfweliad
		P	Prawf
		T	Copi o Dystysgrifau
		Rh	Cyflwyniad
		G	Asesiad Grŵp
	Pwysigrwydd	H	Hanfodol
		D	Dymunol

Ein Dyfodol.

Rhagoriaeth.

Cliciwch yma.

Ein Dyfodol.

Cynhwysiad.

Cliciwch yma.

Ein Dyfodol.

Cydweithio.

Cliciwch yma.

Ein Dyfodol.

Trawsnewidiad.

Cliciwch yma.

Ein Dyfodol.

Cynaliadwyedd.

Cliciwch yma.